



**Հայտարարություն՝ «Միասին ընդդեմ մարդկանց թրաֆիքինգի» ծրագրի
շրջանակներում ազգային փորձագետների կարճաժամկետ
ծառայությունների ձեռքբերման համար մրցույթին մասնակցելու
մասին**

ՏԵԽՆԻԿԱԿԱՆ ԲՆՈՒԹԱԳԻՐ/ TERMS OF REFERENCE (TOR)

2021 թվականի հոկտեմբերին մեկնարկել է Ամերիկայի Միացյալ Նահանգների պետքարտուղարության կողմից ֆինանսավորվող և «Վորլդ Վիժն Ինթերնեյշնլ» միջազգային բարեգործական կազմակերպության հայաստանյան մասնաճյուղի կողմից Հայաստանի Հանրապետությունում (այսուհետ՝ ՀՀ) իրականացվող «Միասին ընդդեմ մարդկանց թրաֆիքինգի» ծրագիրը (այսուհետ՝ Ծրագիր), որի թիրախային նպատակներից է մարդկանց թրաֆիքինգի և շահագործման հավանական գոհերին և գոհերին աջակցության/վերաինտեգրման ծառայությունների բարելավումը և կատարելագործումը:

«Վորլդ Վիժն Ինթերնեյշնլ» միջազգային բարեգործական կազմակերպության հայաստանյան մասնաճյուղը և ՀՀ աշխատանքի և սոցիալական հարցերի նախարարությունը 2021 թվականի հոկտեմբերի 15-ին կնքել են Համագործակցության մասին հուլիսի, որի շրջանակներում նախատեսվել է համատեղել ջանքերն ու ռեսուրսները օրենսդրության կատարելագործման, նոր ինստիտուցիոնալ մեխանիզմների ներդրման և զարգացման գործում: Այս առումով, ոլորտային կարևորագույն խնդիրներից է նաև թրաֆիքինգի և շահագործման հավանական գոհերին և գոհերին ուղղված աջակցության և վերաինտեգրման ծառայությունների համակարգի զարգացումը, քանի որ այն կարևոր գործոն է հանդիսանում կրկնակի զոհականացման բացառման և անձի համար բարենպաստ սոցիալական միջավայր ապահովելու և նրան բնականոն կյանքի վերադարձնելու համար:

Միևնույն ժամանակ, թրաֆիքինգի գոհերին ուղղված վերաինտեգրման ծառայություններին անդրադարձ է կատարվել նաև ԱՄՆ պետքարտուղարության կողմից հրապարակված Մարդկանց թրաֆիքինգի վերաբերյալ Հայաստանի 2021 թվականի և նախորդող տարիների զեկույցներում, որտեղ առաջնահերթ անելիքների առաջարկներում նշվել է, որ պետությունը պետք է ավելացնի գոհերի վերաինտեգրմանն ուղղված միջոցները:

ՁԵՌՔԲԵՐՎԵԼԻՔ ԾԱՌԱՅՈՒԹՅՈՒՆՆԵՐԻ ԲԼՈՒՅԹԸ

Հաշվի առնելով վերոգրյալը՝ թրաֆիքինգի և շահագործման հավանական զոհերի և զոհերի համար նախատեսված աջակցության և վերաինտեգրման ծառայությունների համակարգի բարելավման նպատակով՝ սույն տեխնիկական բնութագրի պայմանների շրջանակում ընտրված փորձագետները **(LNS-1 և LNS-2) համագործակցության սկզբունքով** պետք է.

1. իրականացնեն ոլորտային ազգային օրենսդրության ուսումնասիրություն և շահագրգիռ կազմակերպությունների ներկայացուցիչների հետ հարցազրույցներ՝ վերլուծելով ներկայում գործող ծառայությունները, դրանց արդյունավետությունը և կիրառման հետ կապված խնդիրները և բացերը: Մինևույն ժամանակ, անհրաժեշտ է, որպեսզի ուսումնասիրվի նախատեսված ծառայությունների հասցեականությունը հավանական զոհերի և զոհերի հատուկ կարիքների տեսանյունից, այդ թվում՝ թրաֆիքինգի զոհերին խոցելի խմբերի համար նախատեսված պետական բնակարանային ապահովման ծրագրերում ընդգրկվելու հնարավորությունը **(LNS-1):**

2. Առանձնացնել տղամարդկանց և բավարար ներկայացուցչություն չունեցող այլ խմբերը (այդ թվում՝ թրաֆիքինգի զոհ կամ հավանական զոհ հանդիսացող օտարերկրացիներին), ուսումնասիրել նշյալ խմբերի հատուկ կարիքները և վերլուծել նախատեսված աջակցության/վերաինտեգրման ծառայությունների հասցեականությունը և արդյունավետությունը նրանց համար **(LNS-1):**

3. Ուսումնասիրել և նկարագրել աջակցության/վերաինտեգրման ծառայությունների վերաբերյալ միջազգային ստանդարտներն ու դրական պրակտիկան գործող համակարգերի մասով՝ Հայաստանի Հանրապետությունում նախատեսված ծառայությունների զարգացման կամ նոր տեսակի ծառայությունների ներդրմանն ուղղված առաջարկները ձևավորելու ընթացքում կիրառելու նպատակով **(LNS-1):**

4. Նշյալ երեք կետերում նախատեսված ուսումնասիրությունների արդյունքներն ամփոփելու արդյունքում ձևավորել հավանական զոհերի և զոհերի հատուկ կարիքների գնահատմամբ հասցեական առաջարկներ աջակցության/վերաինտեգրման ծառայությունների նոր տեսակների ներդրմանն ուղղությամբ, այդ թվում՝ տղամարդկանց և բավարար ներկայացուցչություն չունեցող այլ խմբերի համար, ինչպես նաև ուղղված գործող համակարգի կատարելագործմանը **(LNS-1):**

5. **Հաշվի առնելով վերոնշյալ ուսումնասիրության արդյունքները՝** իրականացնել մարդկանց թրաֆիքինգի հավանական զոհերի և զոհերի աջակցության ծառայությունների ֆինանսավորման առկա կարգավորումների ուսումնասիրություն, գնահատել ծառայության տեսակներից յուրաքանչյուրի արժեքը և առաջարկել ծառայությունների ֆինանսական հաշվարկներին ուղղված արդյունավետ մեխանիզմներ, ինչպես նաև աջակցության/վերաինտեգրման ծառայությունների նոր տեսակների ներդրմանը և գործող համակարգի կատարելագործմանն ուղղված հաշվարկներ **(LNS-2):**

Համապարփակ արդյունքները կներկայացվեն ՀՀ աշխատանքի և սոցիալական հարցերի նախարարություն՝ դրանց հիման վրա

օրենսդրական փոփոխությունների հարցը քննարկելու և համապատասխան առաջարկով ՀՀ կառավարությանը հանդես գալու նպատակով:

ԱԿՆԿԱԿՈՂ ԱՐԴՅՈՒՆՔԸ

Սույն առաջադրանքի պայմաններով նախատեսված աշխատանքները կնպաստեն Հայաստանի Հանրապետությունում մարդկանց թրաֆիքինգի և շահագործման հավանական գոհերին և գոհերին մատուցվող աջակցության/վերաինտեգրման ծառայությունների հասցեականության և արդյունավետության բարձրացմանը, ինչի արդյունքում էլ կապահովվի անձի լիարժեք վերաինտեգրումը հասարակական կյանքին և կբացառի կրկնագոհացումը:

ՆԵՐԳՐԱՎԿԱԾ ՇՐՋԱՆԱԿՆԵՐԸ

Ծրագրի թիմ, ՀՀ աշխատանքի և սոցիալական հարցերի նախարարություն, Պատվիրատուի և ծառայություն մատուցողների կողմից որոշված այլ շահագրգիռ կառույցներ և անձինք:

ՓՈՐՁԱԳԵՏՆԵՐԻՆ ՆԵՐԿԱՅԱՑՎՈՂ ՊԱՅԱՆՁՆԵՐԸ

ԼՈՏ 1 – Մարդկանց թրաֆիքինգի և շահագործման գոհերին և հավանական գոհերին տրամադրվող աաջկցության/վերաինտեգրման ծառայությունների համակարգի ուսումնասիրության և համապատասխան առաջարկների մշակման համար դիմող փորձագետը պետք է ունենա՝

- ✓ իրավագիտություն մասնագիտությամբ բարձրագույն կրթություն (գիտական աստիճանի առկայությունը ցանկալի է),
- ✓ առնվազն երեք տարվա մասնագիտական ստաժ*, որից առնվազն մեկ տարին պետք է կապված լինի մարդկանց թրաֆիքինգի և շահագործման ոլորտում ծավալված պրակտիկ գործունեության հետ:

ԼՈՏ 2 – Մարդկանց թրաֆիքինգի և շահագործման գոհերին և հավանական գոհերին տրամադրվող աջակցության/վերաինտեգրման ծառայությունների վերաբերյալ ձևավորված առաջարկների ֆինանսական վերլուծության համար դիմող փորձագետը պետք է ունենա՝

- ✓ ֆինանսիստի բարձրագույն կրթություն,
- ✓ առնվազն հինգ տարվա մասնագիտական ստաժ* և սոցիալական համակարգի և ծառայությունների ֆինանսական վերլուծություններ կատարելու փորձ:

*Մասնագիտական ստաժում կդիտարկվի միայն վերջին հինգ տարիների ընթացքում դիմումատուի աշխատած ժամանակաշրջանը:

Լեզուների իմացություն - հայերենի, ռուսերենի և անգլերենի
մասնագիտական

իմացություն:

**ՃԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԺԱՄԿԵՏԸ, ԿԱՐԳԸ ԵՎ ՎՃԱՐՄԱՆ
ՊԱՅՄԱՆՆԵՐԸ**

□ Ճառալուծությունները մատուցվելու են «Վորլդ Վիժն Ինթերնեյշնլ» միջազգային բարեգործական կազմակերպության հայաստանյան մասնաճյուղի հետ կնքված քաղաքացիաիրավական պայմանագրի հիման վրա **2022 թվականի հունիսի 06-ից – 2022 թվականի հուլիսի 20-ը՝ ներառյալ**, ընկած ժամանակահատվածում՝ որպես սկզբնաժամկետ է դիտարկվում **2022 թվականի հունիսի 06-ը**:

□ Ճառալուծությունների մատուցումը պետք է իրականացվի պայմանագրով սահմանված ժամկետում՝ ըստ անհրաժեշտության հնարավորինս սեղմ ժամկետում Պատվիրատուին մանրամասն տեղեկություններ տրամադրելով աշխատանքների կատարման ընթացքի վերաբերյալ:

□ Պատվիրատուն վճարումը կկատարի աշխատանքներն ավարտելուց հետո վերջնական հաշվետվությունը ներկայացնելուց և երկուստեք ստորագրված ընդունման-հանձնման ակտի հիման վրա՝ հինգ աշխատանքային օրվա ընթացքում:

ՊԱՅԱՆՋՎՈՂ ՓԱՍՏԱԹՂԹԵՐ

- Մասնակցության համար անհրաժեշտ է ներկայացնել.
- անձը հաստատող փաստաթուղթ,
- ինքնակենսագրական (CV),
- մոտիվացիոն նամակ, որում պետք է հստակ մատնանշվեն նախկին համանման փորձառությունը՝ աշխատելու ժամանակաշրջանի մատնանշմամբ և իր կողմից մատուցվելիք ծառայությունների առավել որակյալ մատուցման հիմնավորումը, այդ թվում՝ ծառայությունների մատուցման ժամանակացույցը և աշխատանքների իրականացման մեթոդաբանությունը,
- կրթության և աշխատանքային փորձի առկայությունը հավաստող փաստաթղթեր (դիպլոմ, քաղվածք՝ աշխատանքային գրքույկից և այլն),
- վարձատրության բյուջեն (մեկ օրվա ակնկալվող վճարը՝ ներառյալ հարկերը):

Փաստաթղթերի ընդունման վերջնաժամկետն է՝ **2022 թվականի մայիսի 30-ը**: